

解

介

序

— 文 確 —

駒光如駛，歲月不居，吾穎川公所在星洲創立，忽忽已經十六載矣，而會員則近千人之多，在氏族團體中，堪謂為一龐大之組織，私衷殊為喜慰。

溯自歐風東漸，吾親族接踵南渡者，為數何可勝計，但身離故國，跡寄異邦，對於在外團結一致，以共謀宗親福利之計，實為當務之急，而不容忽視。

先進宗賢，有鑒及此，爰發起組織公所，藉以聯絡感情，集中力量，而從事於互助、教育、救苦、解紛、介紹職業等，公益義舉，俾親族有所憑藉，於偶遇有困難問題時，得獲解決，此即創立公所之主旨，意義至為深大！

在此成立十六載之過程中，經歷屆職董之領導有方，措施得法，不避艱難，不辭勞怨，建下不朽功勳，始有今日之成就，其奮發之精神，良堪欽佩，將來社務之更形蓬勃，自在意中事也。

本屆為公所成立十六週年之期，循例舉行紀念典禮，以資慶祝，惟同人咸謂徒行儀式，設筵酬酢，僅屬表面之周旋，究無裨於實益，欲表揚既往，及勉勵來茲，曷若出版特刊之有意義、有價值為得策也。一經提議，衆僉贊成，事遂決焉。

今後吾人之職責，更益繁重，深望宗親共同努力，不懈不疲，以求扶搖直上，而達到一切所期之理想，則閭族之光榮不尠。

自愧無文，未能藉塞楮以發揮盡致，承蒙編者徵序，姑獻俚詞，聊以墨責，尚望大雅方家，賜予教正是荷。

序

——清吉——

溯吾宗淵源，始於上古虞代帝舜，因生賜姓，肇禋後世。穎川素號望族，帝王將相，顯宦賢儒，代有所出，歷史典籍，昭然可考；後遂以義門見稱於世。嗣續昌熾，蕃支繁衍，除佈居全國內，分支於海外者，亦與日俱增，散處各地謀生，比比皆是；惜乎素乏聯絡，雖邂逅於途，多相見而不相識，誠為憾事也。

宗賢耆老，有鑒及此，毅然倡議組織穎川公所，俾吾僑居宗親，得有聯繫之所，藉收敦睦之效。吾公所自成立迄今，倏已十六週年；在此十六載過程中，幸賴歷屆職員會友之勤勞不懈，會務蒸蒸日上，此堪引以為慰；但吾人不應以此自滿，而須更進一步之努力，以期達到全功。

清吉不敏，辱承舉為名譽總理，自忖能力有限，私衷至深感愧；為不負宗親顧愛之熱忱，及追懷既往，策勵來茲，敢以至誠寄望吾人勉力共為下列兩點：

一、際此時代不斷前進之今日，吾人應加強團結力量，由近及遠，建立全族之精神堡壘，以助人益己，共為人羣社會盡其職責。

二、吾人居處異邦，宜有善相助，有過相規，本親親仁仁之義，彼此互相提攜，則宗誼族情，便益加深重矣。

本屆為公所十六週年紀念，乘出版特刊之機，謹誌數言，藉以相勉，是為序。

序

——占偉——

頴川公所之設立，蓋欲聯合六姓同宗，冀由小團結，進而為大團結，以共謀社會之福利，發揮互助之精神，意至善也。

我宗親之僑居南洋者衆矣，頗為生活鞭策，萍蹤靡常，無論各處一方，難以謀面，雖相近咫尺，然以平日缺乏聯繫，亦多有相見而不相識之憾。

夫人羣處世，在在均賴互助與合作，一切事業，始能克底於成；族賢深明此義，乃起而組織公所，其要旨即在此也。

公所成立後，由歷屆負責人之領導有方，宗親之精誠合作，會務乃得日形進展，迄於今，已擁有會員近千之數，在氏族團體中，洵可謂龐大組織，藉非吾族人之切實合作，曷克臻此。

竊思社團之榮譽，殊非在乎會員之多，必其對於社會福利工作，有所貢獻，始能獲得好評，乃亦切合真義。

公所於會員婚喪慶吊，以及調解糾紛等事，可謂已盡休戚相關之職責。而此次十六週年紀念，復儘量節省開支，以捐助南大，平日凡社會公益義舉，無不願共効勞，樂予響應。故今日之享有榮譽，純係平時從實地工作中得來，絕非倖致也。

筆者更望在現任正副總理煥其、連科兩先生，暨各位執事領導之下，亟謀建築堂皇會所，俾早觀厥成。將來利用公所，或創辦學校，以培植人材；或施醫贈藥，以救濟貧病，則其造福於社會，較之一年一度之慶祝，豈不更有深義乎！

抑尤有進者，吾族人散居各地籍貫不同，環境不同，貧富苦樂志趣亦各異。為普惠宗親計，凡會員子弟優秀，而無力升學者，必設法資助其上進；失業者，則視其能力，而介紹其工作；年老無依者，則遣送其還鄉，使其骨肉重圓，以及遇有意外災難者，均一一寄予同情，而善處之。

同時尤希提倡德智體羣美五育，以陶冶青年身心，使其生活嚴肅，行為趨於正軌，而為社會服務。誠能如是，庶可謂達到所期理想，此不惟會友之幸福，亦即公所閭族之光榮也。語云：「衆志成城，聚沙成塔」，以吾公所之人力資力，義之所在，又何樂而不為乎？

值茲特刊出版之時，願以此語與宗親共勉之，爰作窮羗之獻；尚望族中賢達有以教之。

序

— 慶 珪 —

星洲穎川公所，前賢首創，後起繼興，陳胡姚乃同宗，虞袁田亦一系。組織妥善，參加衆多，旨睦族敦宗，義本扶危濟困，解紛排難，調處力不稍遺，賀喜弔喪，周旋意必盡致，為同宗謀福利，替吾族立楷模。

僑親背井離鄉，梯山航海，披星戴月，沐雨櫛風，歷受艱難，備嘗辛苦，一身奔波浪跡，百計經營謀生。然而，柳絮飄風，萍踪泛水，親情族誼，結識今無由，客況旅懷，傾談今莫得；嗟夫！共作異鄉之客，應具同感之情，聚首言歡，欣一團之融洽，離羣索處，嘆四顧之孤零。夫以海角羈人，天涯遊子，僑居逾代者衆，流寓久年者多，若渙散而分疏，智誠愚也，苟聯合以團結，計至善哉！是應遠近咸歸，少長畢集，盡互助之義務，振共圖之精神，衆慮週全，集思廣益，不托空談，切求實際，事所當為，責必應負，為公服務，効勞勉任鉅艱，量力輸財，捐助慨襄義舉，善交際，聯絡社團，廣宣傳，徵求會友，人羣難得乎熱忱，事業成於堅志，羣策羣力，同德同心，何事不成？何功不克？會友謹遵法紀，信守規章，視公所如同家庭，對社員有若兄弟，禮別尊卑，義相敬愛。現在規模雖成，未來工作正鉅，推行擴張社務，普惠宗親，建起宏偉會堂，以垂光榮歷史。

會逢盛典，時值良辰，為紀念而聯歡，共申慶祝，表卓著之功績，發宣揚之特刊，深寄殷望而陳言，爰搜枯腸以作序。

序

——連科——

語云：「人類應需互助，處世不能離羣。」誠哉斯言！然尤以遠渡重洋，天涯作客之人，既須友朋之掖護，還重親族之扶持，庶不致羈留異域，每興落寞之悲，遠隔故園，時嘆飄零之苦。吾宗親旅居海外者之衆多，可謂各省邑人士均有；為求在外力圖團結，聯絡感情，及謀諸福利計，爰有星洲穎川公所之組織，其意旨蓋欲維繫親族之誼，毋使散漫生疏，如同陌路焉。

溯本公所自吾宗諸先進艱難創立以來，迄今已十有六載。初由發起人之苦心經營，規模略具，間因太平洋戰事發生，遽爾無形停頓。迨日寇投降，星洲光復，再經諸職員之繼起復興，擘劃不遺餘力，故會務蒸蒸日上，乃得有今日之蓬勃氣象，此實應歸功於負責諸社友之勞績，始克臻此，洵堪為本公所慶幸也！

實至名歸，四方來集，遐邇宗親因鑒及本公所會務處理得宜，日見發展，先後相率加入者，為數無慮近千。可見任何社團，一有精神，則號召力自大，豈徒托空言者所能成事耶？

是屆為本公所成立第十六週年紀念，值此盛典良辰，除熱烈舉行聯歡宴會以伸慶祝外，為「緬懷既往，策勵來茲」計。因議決編印特刊，藉向社會人士作公開介紹，俾明瞭本公所內部之概況。

凡欲求事業之成功，必須抱堅強之意志，此後會務正圖極力擴展，向前邁進，諸如新會所之籌建計劃，以及一切應興應革等事宜，無不殫精竭慮，積極推行，希冀將來能由小規模而臻大團結，由一方而至各地，由星洲而遍及全馬。事在人為，耑賴吾職員社友，秉和衷共濟，貫徹始終之精神，為本公所寫成一頁最光輝歷史，則閭族均與有榮焉，寄望遙深，願共勉之，是為序。

序

——振忠——

新嘉坡為華人薈萃之區，僑團林立，而吾穎川公所乃為其中之一，創立迄今，垂十六載，集族人於一堂，謀社會之福利，事實表現，衆所共見，毋庸贅辭。

十六歲為人類成年之期，由幼小而長壯之階段，人生如是，社團亦何獨不然，故今日本公所欣逢十六週年紀念之慶，實堪抱無窮喜慰。

顧十六年之過程，間經前人創造之艱辛，與夫歷屆職員之勤勞服務，全體族人之熱心維護，始有今日，其珍貴史蹟，大可使人追憶而感奮不已；今後繼往開來，發揚光大，尚有望於吾宗親之負起重責，更加努力。茲舉其要者，約有兩端：

一、建立新會所，不容緩圖。竊本公所成立雖僅十六載，但會務日益發展，會員日益增加，而舊會所體式未獲與時俱新，設備不足以供肆應，此誠引以為憾。故宜亟謀建築崇宏偉大會所，以配合工作之進行，此為族人所抱之願望，而亦事實所必需。故族中賢達登高一呼，全體宗親衆山響應，則美奐美輪，宏宇之落成，直指顧間事耳。

二、團結親族，應不可忽視。夫今日人羣，首重團結，團結始有力量，已成定律。蓋大團結，須由小團結做起，家族團結，始能擴大為民族之團結。願吾宗親共體斯義，具親愛之忱，和睦共處，休戚相關，並力行教養互助，濟危恤困，排難解紛等；進而集合全族力量，服務社會，造福人羣，如此，庶不負本公所創立之主旨。

本屆為成立十六週年所慶，議決印行特刊，以資紀念，承蒙編輯部索序，謹綴數言，與族人共勉焉。